

Pola Taitusmo tiratna timbiŋ rapar

Outna kam

Taitusa ma Iudana wiwitna ramootta wanaiŋ. Na an minna ma Iesusna ritipacna ramoot ian ndarurina, na ma Polmo Iesusna up aŋgirena ramtairta aiŋa otaca morena. Na Pola ma Taitusmo Kirit muta tikcarica eacrina, te, ma anna Iesusna ritipaikta meikramtairta tumbunmo bubuocna aiŋa mona.

Na outta gan timbiŋ rapara gaindopatna, Kiritnaŋgepta tipemb kirarira laiŋ koinda wanaiŋ. Ainda moca ramootta Iesusna ritipaikta meikramtairta tumbunna ramoot paŋanna laruna mo te, ma tipemb kirarir laiŋga matau ŋgoinna raŋgairaiŋ. Na iŋmbaia Pola Taitusmo meikramtairta wiwit kabe, kabemo riptina tip kirara mboprina, na anna ramtair bagrarapa, meik bagrarapa, ramtair ŋgaibapa, mina tuombta aiŋir kamndera morena meikramtairap.

Na gan timbiŋ raparna mamamaina kambca ma gaind, Taitusa ma meikramtairmo riptica mina iroar inkara kabe ndeacna, na kabena meikramtairmo ndiarna tip kirara momonan, na mina kaega mona kambca kai mbop teac, na runduikta kambca kai mbop teac.

**Taitusa Kirit muta eacrina
Iesusna ritipaikta meikramtairta**

tumbunna ritipacapa, tipemb kirarirmo, moa wandonairina

(1—3)

¹ Aku Pol, aku Raraŋ Aetaniacna mbaiŋna ramootapa, Iesus Karaisna up aŋgirena ramoot. Na Iesus Karais, ma aukmo mandaca aku taŋga Raraŋ Aetaniaca ma ndo larapacrina meikramtairta ritipaikca moi gagrana. Na aku minmo otaca mina kam gidikna landamŋi aŋgica mana tipembta kirarira raŋgaina.

² Aintik aku minmo otaca mina gagra ripac te, Raraŋ Aetaniacmo lambica ma minmo iarwarna eteacna wat neaŋna. Na atu ŋgoinna Raraŋ Aetaniaca reac ianna mo laru ŋgocor ndeacri, ma babuatna, ma an iarwarna eteacna watta ma aimo neaŋnandet. Na ma mba parurena.

³ Na an minna ma ndo larapacrinanna, ma ramtair ndeidta, iroara moi ŋgepca mina mana kammo wiwitica mbopatna, na an kirar mbuŋa ma ndona kammo moa laruca raekca tikatna. Aintik Raraŋ Aetaniac, ma ndo aimo mac nda aŋgina Ramoot, na ma ndo mbopatke, aku an wiwitrina aiŋa aŋgirina.

⁴ Aintik Taitus, u aukna nuoc ŋgoin tik, aku unmo gan timbiŋ rapara tirca neaŋga makipek, na an ritipaca aia ripacrenanna u toco anap. Ainda moca Raraŋ Aetaniacapa, aimo mac nda aŋgina Ramoot, Karais Iesus, maniŋa unmo

1:2 Ro 16.25, na Kol 1.27, na 2 Ti 1.1, na 1.9, na 1 Pi 1.20 **1:3** Epe 1.9-10, na 1 Te 2.4, na 1 Ti 1.1, na 1.11, na 2.3, na 2 Ti 1.10, na Ta 2.10, na 3.4 **1:4** Ro 1.7, na 2 Ko 8.23, na Gal 2.3, na 2 Ti 1.2, na 4.10

kadmaica una iro inikmo moi wewettaca lan ndeacraꝅnandet.

Taitusa ramtair paꝅaind laiꝅmo larapacna

⁵ Na aku unmo Kirit muta tikcaririnanna, u an aiꝅir tipembmo wandoꝅaica korwina. Te, an kirara ŋgaua aku unmo mboprinanna, u an auꝅembta Iesusna ritipaikta meikramtairta tumnambta ramtair paꝅaindmo larapacna. Te, an ramtair paꝅainda, mina aiꝅa Iesusna ritipaikta meikramtairta tumbunna ŋginaꝅa mona ramtair.

⁶ Na u larapacekna ramootta, ma meikramtairta lamnik ŋgoutmo ma makukar kocor, na meac kabe niꝅgikap langoca eacrenan. Na an ramootna mombonikca mina Karaisa ripacrena, na mina tipemb ŋaꝅao ŋgorikca kai raꝅgai teac, na mina ndorita aemaetmo kai garuru teac.

⁷ Na u lamꝅirena, Iesusna ritipaikta meikramtairta tumbunna ŋginaꝅa morena ramoot paꝅanna, ma Raraꝅ Aetaniacna aiꝅna ŋginaꝅa morena ramoot. Aintik ma Raraꝅ Aetaniacna aiꝅa mo te, ma wandoꝅ ndeac te, meikramtaira manmo wat te, ma makukar kocor. Na ma ndomo gainda kai lamꝅi teac, ma iapna ramoot, na ma meikramtairmo paꝅanmbaia tikraꝅna. Na ma mba tawia nikkatrena ramoot. Na ma puk gargarapa wainna pukca kai amca ŋaꝅaorena ramoot. Na ma kabena meikramtairmo tamtamma mba

ruņrena ramoot. Na ma kituknduk aniac ŋgoin aņginake, mba tongorena ramoot. Wanaiņ.

⁸ Na meikramtaira mana kac nakip te, ma minmo actikca ma ndiarna tipna kirara mo. Na ma tipemb kirarir laiņmo tongorena, na ma iroar laiņ tingikca raņgairena. Na ma tipemb kirarir wandoik laiņapa, Raraņ Aetaniacna tipemb kirarirmo muruņcamiņa raņgairena. Na ma ndona eteacna watmo ma mataua bubuocrena ramoot.

⁹ Na an kam gidikca mina manmo riptire-nanna, ma anmo utiņga gagararina. Ainda moca an meikramtairmo ma minmo kam gidikca riptica mina anna ripac te, ma mina iroar inkara moi ŋgepca mina an kamma raņgainande. Na an meikramtaira kammo nda mboprenanmo, ma gagraca mbop te, mina ndorita makukarmo wat rapacna.

Kirit mutna ramtair witta kabena meikramtair ndeidta ritipacmo moa ŋgocairena

¹⁰ Na Kirit mutna Iesusna ritipaikta meikramtairta tumbunna witta mina kam gidikmo nda mboprena, na mina an wanaiņna nininina kamb witmo mbopca meikramtairta iroar inkarmo parurenan. Na an ramtaira mina witta Iudana wiwitnan. Na an wiwitta mina tikiņit kakatacna gagrarena. Aintik u ŋginaņa mona ramtair paņaind laiņmo riaca larapac.

¹¹ Ainda moca an ramtaira mina tipemb kirarir ŋgorikca mona morenan, na meikramtairta

1:9 1 Ti 1.10, na 1.15, na 2 Ti 1.13, na 2.15, na 4.3, na Ta 2.1

1:10 1 Ti 1.6, na 4.7 **1:11** Mt 23.14, na In 10.12, na 1 Ti 6.5, na 2 Ti 3.6, na 1 Pi 5.2

kitukndukarmo wanaiŋ naanŋirena taupna ŋgorerena, aintik mina minmo tipemb kirarir ŋgorikca riptirena, na aia an tipemb kirarirmo mona minna wanaiŋ. Na an tipemb kirarir puŋga mina meikramtair ndeidapa, mina wiwitna meikramtairta ritipaikca moa ŋgocrairena. Ainda moca u minmo kiraca mina ainta kambca kai mbopi mo teac.

¹² Na atua Kiritna landamŋina ramoot aniac ianna ma gaindopatna, “Kiritnanda mina paparuna meikramtair koind, na mina raŋna amta ŋgoaebta kirar toc, na mina meikramtair ŋgorik. Na mina gagam niŋgikca ndamŋirena, na mina meikramtair boborar.”

¹³ Na an kamma anna gidik. Ainda moca u minmo kam gargara neanŋa mina tipembmo wandonaina, te, mina Iesusmo gidikca ripacna.

¹⁴ Na mina Iudana titocna paparuna nininiarmo kourmo kai ikca warac teac, na mina kam gidikmo iŋ neanŋrena meikramtairta titoc, titocna paparuna tipemb kirarir toco kai warac teac.

¹⁵ Na meikramtaira Raraŋ Aetaniacna lamniac ŋgoutmo rat ndeac te, titocna kainta reik toco rat ndeacnandet. Na meikramtaira Raraŋ Aetaniacna lamniac ŋgoutta tipemb kirarir ŋgorik rat ŋgocortanna raŋgairenan, mina Karaismo mba ripacrenan. Ainda mo te, reac ianna mba ratit, na mina nikinik iroapa, iroara Raraŋ Aetaniacna lamniac ŋgoutta kocnaia mba ratitndait.

¹⁶ Ainda moca mina upemb punğa gaindo-prena, “Aku Raraŋ Aetaniacmo lamŋirena.” Na mina tipemb kirarira gainda wandacrena, mina manmo in neaŋrena. Na Raraŋ Aetaniaca minap reicka momoa ma kari ŋgoin. Na kammo nda ipuŋrena ramtaira, mina reac laŋ ianna mona minna wanaiŋ ŋgoin.

2

Meikramtair bagrara Raraŋ Aetaniaca tongorena tipemb kirarirmo matau ŋgoinna raŋgairan

¹ Na u Taitus, u meikramtairmo riptica, mina Raraŋ Aetaniacna tipemb kirarir gidkarmo muruŋcamiŋa raŋgaica mona.

² Te, u ramtair bagrarmo mbopca mina ndorita eteacna watna ŋginaŋa matau mo. Na mina tipemb kirarira laiŋ tiŋgikca moran, te, meikramtaira minmo torinandet, na mina iroar laiŋ tiŋgikca raŋgairan. Na mina Raraŋ Aetaniacna kam gidikmo matau ripac, na kabena meikramtaira matŋirena tipemb kirarira mo, na mina witik gagrana tipemb kirarirapa, makukara muruŋcamiŋa mbuknan motocmo mo.

³ Na u meik bagrar motocmo, mbopca mina Raraŋ Aetaniaca tongorena tipemb ratarmo, anna raŋgaica taŋran. Na mina kabena meikramtairmo ndoŋndoŋa kai rapac teac, na mina wain pukmo kai watcarica ma mina

1:16 Ro 1.28, na 2 Ti 3.5, na 3.8, na 1 Io 1.6, na 2.4, na Iu 1.4
2:1 1 Ti 1.10, na 6.3, na 2 Ti 1.13, na Ta 1.9 **2:3** 1 Ti 3.11, na 1 Pi 3.3-4

iroarmo nginaņa mona, na kabena meikmo mina minmo tipemb kirarir lainj tingikca riptiranj.

⁴ Te, meik bagrara meik ngaibmo riptica mina ndorita kanterapa mombonikmo matau ngoinna matjirena tipemb kirarira matau lamninandet.

⁵ Na meik ngaibca ndorita iroara matau raupņi te, mina Raraņ Aetaniacna lamniac ngoutmo rat ngoin ndeacnandet. Te, mina ndorita kaiknimbta nginiņmo matau raupņi watna landamņiap, na mina kanterapa mombonikmo tipemb kirarir lainģa mona, na mina ndorita kanterta kangauk ndeacraņ. Na mina an tipemb kirarira mo te, meikramtaira Raraņ Aetaniacna kammo, peperena kamb ngorikca mba mbopitndai.

Taitusa tipemb kirarir lainģa moca ramtair ngaibca anna ranģaina

⁶ Ainda moca an tip kirar kabemo u ramtair ngaibmo mo nģepca, mitoco ndorita tipemb kirarirmo matau raupņina.

⁷ Na reikca u muruņcamija morenanna, u ndo tipemb kirarir lainģa mo te, meikramtaira an tipemb kirarirmo watca anna ranģaina. Na una meikramtaira riptina aiņ, u minmo kai paru teac, na u tanģugainna kai mo teac. Wanaiņ, u memetmbaca tip kirar gidikca matau lamņiranj, te, u kammo wandoņa wiwiti.

⁸ Na u kamb wandoik tingikca top te,

2:5 Epe 5.22, na Kol 3.18, na 1 Ti 2.11, na 6.1, na 1 Pi 3.1, na 3.5

2:7 1 Ti 4.12, na 1 Pi 5.3 **2:8** 1 Ti 6.3, na 2 Ti 3.14, na 1 Pi 2.12,

na 2.15

meikramtaira una tip ngoreaca mba ore watitndai. Ainda moca puñnañgepca aimo kam ngorikca mba mbopitndai. Na mina ndorita iroar ngorikta moca numbira monandet.

Tuombta aiñir kamndera morena ramtairta kamb

⁹ Na u tuombta aiñir kamndera morena ramtairmo mbop, mina ndorita ramtair pañaindta kangauk ndeac, na mina ainta aiñira mo te, mina ramtair pañainda minmo tonjonandet. Na mina ndorita ramtair pañaindmo kam ngorikca kai ruti mbop teac,

¹⁰ na mina ndorita ramtair pañaindta reikca kai makam teac. Kari ngoin. Mina ndorita ramtair pañaindta kambca matau ranğaia, mina tipemb kirarir lanğa mo te, mina ramtair pañainda minmo tonjon ngoinna monandet. Ainda moca kainta reikca mina morenanna, mina meikramtairta iroar inkara moi ngepca aia riptirena kammo i aniaca neañnande, na anna Rarañ Aetaniacna kam gidik. Aintik Rarañ Aetaniac, ma aimo mac nda anğina Ramoot, ma aimo anğinandet.

Aia Rarañ Aetaniacna tip kirara ranğaica Karaisna Rana lambirañ

¹¹ Na aia lamñirena Rarañ Aetaniacna kakadmaica larua raekca tikri, na ma meikramtairmo muruñcamiña nda anğina min.

¹² Na mana an kakadmaica ma aimo riptica aia Raraŋ Aetaniacmo iŋ neanrena tipemb kirarirmo tikcarina, na gan tiacarpaikna toŋtoŋgar ŋgorikca muruŋcamiŋa tikcarina, na ma aimo iroar laiŋga riptica aia wandoŋa taŋna. Na anna gidik, aia gan tiacarpaikna meikramtairta rik ndeacrenan, na Raraŋ Aetaniacna kakadmaica ma aimo riptica aia mana tipemb kirarira ranġainande,

¹³ na aia ripaca gagraa an reac laŋa aia watna toŋtoŋ ŋgoinna lambirena. Na aia Iesus Karaisna lambirena, na ma Raraŋ Aetaniac, na ma gargarap, na ma aimo mac nda aŋġina Ramoot, na ma ndona memetacna tac aniacapa, Raraŋ Aetaniacna gargarap raekca larunandet.

¹⁴ Na Karaisa ma ndona eteacna watnan kecarica, ma aimo mac nda oikrina, na ma aina tipemb ŋgorikmo muruŋcamiŋa mo kecaririnan. Te, aia rat ŋgoin ndeacna, aia mana wiwitna meikramtair tarunande, na aia gagraa aiŋa moca, ainta tipemb kirarir laiŋga aia monandet.

¹⁵ Na memetmbaca u meikramtairmo an kammo neaŋ. Na u mina iroarmo mo ŋgepca mina an kamma ranġai, na an kammo nda mboprena meikramtairmo, u minmo kam gargarap neaŋga mina ndorita tipemb kirarirmo wandoŋaina. Na u minmo kai watcarica mina una kammo pepere teac.

2:12 Ro 6.19, na Epe 1.4, na Kol 1.22, na 1 Te 4.7, na 1 Io 2.16

2:13 1 Ko 1.7, na Pil 3.20, na Kol 3.4, na Ib 9.28, na 1 Io 3.2 **2:14** NA 19.5, na TW 4.20, na 7.6, na 14.2, na Ŋap 130.8, na Esi 37.23, na Gal 1.4, na 1 Pi 2.9 **2:15** 1 Ti 4.12, na 2 Ti 4.2

3

Raraŋ Aetaniaca aimo matau ŋgoinna mori-nanna aia tipemb kirarir laiŋga mo

¹ Ainda moca u meikramtairmo mbopca mina ndorita gagrirta ramtair paŋaindapa, gan tiacarpaikna ramtair paŋaindta kaŋgauk ndeaca mina kambca waraca raŋgairan. Na memetmbaca mina kocroca mina kaina ainjir laiŋga muruŋcamiŋa mona.

² Na mina ramoot ianmo peperena kam ŋgoreaca kai mbop teac, na mina kai ipuŋ teac. Na memetmbaca mina laŋan ndeac, na meikramtairmo muruŋcamiŋa tipemb kirarir laiŋga moran.

³ Ainda moca u lamŋirena, ŋgaua ai toco landamŋiar laiŋ kocor tik, aia kammo nda ipuŋrena. Aintik Ramoot Mbikca aimo paruca aia Raraŋ Aetaniacna taupca mba raŋgairi. Na aia ndorita nikinik iroara moa ŋgeprena, na ainta tipemb kirarirapa, aina meacramootna tikca mo ŋgeprena ainta toŋtoŋap, aintik aia tuombta ainjir kamnderta meikramtairta kirarir toc ndeacrena. Ainda moca aia ŋgaua kaega mona iroapna tipemb kirarirap taŋrenan, na aia kabena meikramtairta reikmo ndorimo aetta mona morenan, na kabena meikramtairmo nikkakatap taŋrena. Na meikramtaira aimo puŋnaŋgepca moca taŋrenan, na aia kabe,

3:1 Ro 13.1-7, na Kol 1.10, na Ib 13.21, na 1 Pi 2.13-14 **3:2** Epe 4.2, na 4.31, na Pil 4.5, na Kol 3.12, na 2 Ti 2.24-25 **3:3** 1 Ko 6.11, na Epe 2.1-2, na 5.8, na Kol 1.21, na 1 Pi 4.3

kabea kabena meikramtairmo puñnangepca moca tanrena.

⁴ Na Rarañ Aetaniac ma aimo mac nda anġiatna Ramoot, na ma aina mamatñi ngoin, na ma aimo kadmaica ma aimo tipemb kirarir lainġa morenan. Na mana an tipemb kirarira raek ndarurinan,

⁵ na ma aimo mac nda anġiatna. Na aina morina tipemb kirarir wandoik lainġa moca, ma anna ke, mba lamñirenanna, na aimo mac nda anġirina. Wanaiñ. Ma ndona kakadmaina opotac mbuñ aimo mac nda anġiatna. Na ma aimo ruca aia meikramtair nġaib tarurina, ri, Neronġ Ratta aimo eteacna wat nġam maneanġat.

⁶ Na aimo mac nda anġina Ramoot Iesus Karaisna aiñ mbuñ tik, Rarañ Aetaniaca aimo Neronġ Ratna gargarmo ruñkica kundrina.

⁷ Ainda moca Karaisa aimo kadmaica aimo Rarañ Aetaniacna lamniacmo meikramtair wandoikca morinan, te, an tipna kirara Rarañ Aetaniaca aimo larapaca aia iarwarna eteacna wat anġinande, na an iarwarna eteacna watta aia anna lambica eacrena.

⁸ Na gan kamma aku mbopeknanna, anna kam gidik ngoin.

Na aku tonġorinanna, u an reacmo minmo gagraca mbop te, meikramtaira Rarañ Aetaniacmo ripacrenanna, mina gagraca aiña moi

3:4 1 Ti 2.3, na Ta 1.3, na 2.11 **3:5** In 3.3-5, na Ro 11.6, na Epe 5.26, na 2 Ti 1.9, na 1 Pi 3.21 **3:6** Iol 2.28, na Up 2.17-18, na 2.33, na Ro 5.5 **3:7** Ro 3.24, na 8.23-24, na Gal 2.16, na Ta 2.11
3:8 1 Ti 1.14-15, na Ta 2.14

tipemb kirarir lainga mo. Na ainta tipemb kirarira ma meikramtairmo otacrena, na anna ma reac gidik.

⁹ Na meikramtaira iptipunğa tongorenan, na up kam mbunğa kambrenanapa, mina nicar ngamrirta imo ninirenan, na Tipemb Wandikta mininğa moca ipunrenan, u an kamb nğanaoarmo koar kai tiki warac teac. Na aia lamnjirena an kambca aimo mba otaca aia tipemb kirarir lainga mba ranğaiitndai.

¹⁰ Aında moca ramoot ianna Iesusna ritipaikta meikramtairta tumbun titacna tip kirara mo te, u manmo mbopca mana iroa wandonğai. Na u kidrik kabe, co, mbuniğa aında mo, na ma una kammo warac ngocor ndacari te, u manmo watcarica mamoiğa kocnai neağ.

¹¹ Na u lamnjirena ainta ramootta ma taupmo kecamacariri, na ma tip ngoreacna makukca momona ramoot ndarurina. Na mana tipemb ngorikta makukara ndo manmo Rarağ Aetaniaca wandacrina.

Pola tongorinanna Taitusa tağca manmo watna

¹² An kidrikca aku Artemas, co, Tikikusmo mandaca un ndambuğ nakip te, u gagraaca aukmo Nikopolis auğ aniac nakipi wat. Na laemb aniacna kidrikca aku ndomo an auğ aniac ndeacna iroa morina.

¹³ Na u tipemb wandik tamnjirena ramoot

3:9 1 Ti 1.4, na 2 Ti 2.14-16, na 2.23, na Ta 1.14 **3:10** Mt 18.15-17, na 2 Ko 13.2, na 2 Te 3.6, na 3.14, na 2 Ti 3.5, na 2 Io 1.10 **3:11** Up 13.46, na 1 Ti 6.3-5 **3:12** Up 20.4, na Epe 6.21-22, na Kol 4.7-8, na 2 Ti 4.12 **3:13** Up 18.24, na 1 Ko 3.5-6, na 16.12

Senasmo, matau ŋgoinna raupŋi, na Apolos motocmo u raupŋi. Na maniŋna tataŋna reikca u maniŋmo otac, te, maniŋa taup ndiŋa taŋ te, maniŋa reac ianna mba matpiitndai.

¹⁴ Na aina meikramtaira mina tipemb kirarir laiŋga mona landamŋi laiŋ aŋgica an meikramtaira reik matpirenanna minmo otac. Moca Iesusa ripacrena laiplacara, mina wanaiŋ ndeac nari, na mina Raraŋ Aetaniacna tipemb kirarirmo mba raŋgaiitndai, na kabena meikramtairmo mba otacitndai.

¹⁵ Na meikramtaira aukap eacrenanna, mina unmo ra laŋ neaŋrina. Na u aina ra laŋmo aimo matjia Iesusa ripacrena meikramtairmo neaŋ.

Na aku mbendeia Raraŋ Aetaniacna kakadmaica nenap muruŋ ndeacnande.

**Raraŋ Aetaniacna Kam Wemban Lan
New Testament in Mborena Kam language
Nupela Testamen long tokples Mborena Kam long
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 18 Apr 2025 from source files dated 29 Jan 2022

8e1073ed-d2dc-5f3a-bb48-5406185123a7